

駱賓王文集序

魯國郝雲卿

駱賓王婺州義烏人也年七歲能屬文高宗朝與盧照
隣楊炯王勃文詞齊名海內稱焉號為四傑亦云盧駱
楊王四才子仕至侍御史後以天后即位頻貢章疏諷
諫因斯得罪貶授臨海丞文明中與敬業別於廣陵共謀
起義兵事既不捷因致逃遁遂致文集悉皆散失後中
宗朝降勅搜訪賓王詩筆今雲卿集焉所載者即當時
之遺漏凡十卷此集並是家藏者亦足傳諸好事

駱賓王文集目錄

駱

賓王

附唐王勃傳不載字
又藝文志亦闕

第一卷

賦

螢火賦

蕩子從軍賦

靈泉頌

第二卷

詩

遊德州贈高四

紫雲觀贈道士

贈宋五之問

浮查

在獄詠蟬

艷情代郭氏答盧照鄰

代女道士王靈妃贈道士李榮

第三卷

詩

春霽早行

秋日山行

晚渡天山

晚渡河曲

晚泊蒲類

晚渡黃河

早發淮口

渡瓜步派

遠使春夜多懷

晚泊江鎮

早發諸暨

途中有懷

晚憇田家

宿山庄

出石門

至分陝

至汾水戍

過張平子墓

北眺春陵

望鄉夕泛

久客臨海有懷

逢孔君

西京守歲

海曲書情

行軍行路難

邊城落日

蓬萊鎮

在軍登城樓

宿溫城望軍營

白雲抱幽石

秋日臥病

題七級

春雲處處生

早秋出塞

鄭安陽入蜀

第四卷

詩

軍中贈知己

酬思玄上人林泉四首

憶張二

和李明府

望月有所思

對雪憶謝二

送陳文林

送鄭少府入遼

送費六還蜀

別侯四

送尹大赴京

送闞五

送吳七遊蜀

送王明府上京

秋日送別

易水送人

別詳正學士

別李嶠得勝

餞宋五

遊開道林故山

遊靈公觀

夏日遊山家

春日遊陀山寺

冬日野望

夏日遊目

曉初登樓思京

登司馬樓宴

初於六宅宴

韋明府宅宴

冬日宴

鏤鷄子

詠雲酒

詠美人

夕次舊吳

過故宋

第五卷

詩

傷祝阿王明府

詠懷古意

詠懷

邊夜有懷

邊城懷京邑

幽繫書情

寒夜獨坐

憲臺出繫有懷

月夜有懷

叙寄負半千

憶蜀地佳人

送郭少府

餞駱四

宋五之問

過任處士書齋

塵灰

秋晨同詠

秋雲

秋蟬

秋露

秋月

秋水

秋螢

秋菊

秋鴈

詠照

挑燈杖

詠水

詠鴈

詠雪

詠塵

棹歌行

王昭君

翫初月

詠鵝

第六卷

表啓

請陪封禪表

和道士閨情詩啓

上帝京篇啓

上太常伯啓

上李少常啓

上兗州啓

上崔長史啓

上張司馬啓

第七卷

啓書

王廉使啓

上韋明府啓

上郭贊府啓

上梁明府啓

上裴侍郎啓

與程將軍書

荅負半千書

與博昌父老書

與親情書

第八卷

雜著

李長史宅宴序

王司馬樓宴序

冒雨尋菊序

楚國寺宴序

竇六郎宅宴序

餞宋三之豐城詩序

送闕五序

餞尹大絳京序

餞陸道士序

送益府參軍序

餞麴錄事序

餞李八詩序

看競渡序

與群公宴序

對策文三道

第九卷

雜著

帝京篇

疇昔篇

破逆賊露布

破設蒙儉露布

第十卷

雜著

代李敬業檄

應詔

自叙狀

祭趙郎將文

樂大夫挽歌五首

丹陽刺史挽歌三首

駱賓王文集目錄畢

駱賓王文集卷第一

賦頌

螢火賦

蕩子從軍賦

靈泉頌

螢火賦

余猥以明時。又遭幽繫。見一葉之已落。知四運之將終。倏然客之為心乎。悲哉秋之為氣也。光陰無幾。時事如何。大塊是勞生之機。小智非周身之防。嗟乎。綈袍匪舊。白首如新。誰明公冶之非。孰辨臧倉之愆。是用中宵而

作達旦不瞑。觀茲流螢之自明。哀此覆盆之難照。夫類同而心異者。龍蹲蹄而宋樹伐。質殊而聲合者。魚形出而吳石鳴。苟有會於精靈。夫何患於異類。况乘時而變。含氣而生。雖造化之不殊。亦昆蟲之一物。應節不憊。信也。與物不競。仁也。逢昏不昧。智也。避日不明。義也。臨危不懼。勇也。事有_涵恣情而動興。因物而多懷感。而賦之聊以自廣云耳。

伊玄功之播氣。有丹鳥之賦象。順陰陽而亭毒。資變化而含養。每寒潛而暑至。若知來而藏往。既發揮以外融。

亦合光而內朗。若夫小暑南收。大火西流。林塘改夏。雲物迎秋。忽臨虛而赴遠。乍排叢而出幽。如火齊之宵映。如夜光之暗投。逝將歸而未返。忽欲去而中留。入槐榆而焰發。若攻燧而改環。周繞堂皇而影泛。疑秉燭以嬉遊。點綴懸珠之網。隱映落星之樓。乍滅乍興。或聚或散。居無定所。習無常翫。曳影周流。飄光凌亂。泛艷乎池沼。徘徊乎林岸。狀火井之沉熒。似明珠之出漢。值衝飈之不烈。逢淫雨而逾煖。熠灼兮若湛盧之夜飛。灼爍兮像招搖之夕輝。與庭燎而相炫。然重陰於已昏。共燭火而

齊息避太陽於始旦。尔其光不周物。明足自資。偶仙鼠而伺夜。對飛蛾之赴嬉。類君子之有道。入暗室而不欺。同至人之無迹。懷明義以應時。處幽不昧。居照斯晦。隨隱顯而動息。候昏明而進退。委性命於幽玄。任物理於推遷。化腐木而含彩。集枯草而藏烟。不貪熱以苟進。每和光而曲全。豈如鎔金而自樂。寧學膏火之相煎。陋蟬蛸之習稅。怵螻蟻之慕羶。匪傷蜂虿之夕。不羨龜鶴之年。槍榆飛而控地。搏扶起而垂天。雖小大之殊品。豈道遠之異筌。夫何化之斯化。無使然而自然。若乃有來斯

遁。無往不至。排朱門而獨遠。昇青雲而自致。匪偷米於鄰壁。寧假輝於陽燧。終徇己以致能。罪因人而成事。物有感而情動。迹或均而心異。響必應之於同聲。道固從之於同類。始未明於趨捨。庸詎識其指意。子尚不知魚之為樂。吾又安能知螢之為利。高明兮有融。遷變兮無窮。半哀倏而化虎。羽泉忽兮生熊。血三年而藏碧。魂一變而成虹。知戰場之有憐。悟冤獄之為蟲。彼翔飛之質弱。尚矯翼之凌空。何微生之多躡。獨宛頸以觸龍。異璧光之照廡。同劍影之埋豐。覲道迷而可復。庶幽鑒而或

通覽光華而自照。頽形影以相弔。感秋夕以殷憂。歎宵行以熠耀。飛兮絕復。連殷憂積。分明且煎。見流光之不。息。愴驚魂之屢遷。如過隙之已來。同奔雷兮忽焉。儻餘光之可照。庶寒灰之重然。

蕩子從軍賦

胡兵十萬起妖氣。漢騎三千掃陣雲。隱隱地中鳴戰鼓。迢迢天上出將軍。邊沙遠離風塵氣。塞草長萎霜露交。蕩子辛苦十年行。回首關山萬里情。遠天橫劍氣。邊地聚笳聲。鐵騎朝常警。銅焦夜不鳴。抗左賢而列陣。比右。

稜以疏營。滄波積凍。連蒲海而雪凝。陰和柳城。若乃地分玄微。路指青波。邊城煖氣。從來少關塞。寒雲本自多。嚴風慄慄。將軍樹苦霧蒼蒼。太史河照。拔距而從軍。且揚麾而挑戰。征旆凌沙漠。戎衣犯霜霰。樓船一舉。爭沸騰烽火。四連相隱見。戈文耿耿。懸落星馬足。駸駸擁飛電。終取俊而先鳴。豈論功而後殿。征夫行樂。踐榆溪倡婦街。怨坐空閨。薜蘿蕪舊曲。終難贈芍藥。新詩豈易題。池前怯對鴛鴦伴。庭際羞看桃李蹊。花有情而獨笑。鳥無情而怕啼。蕩子別來年月久。賤妾空閨更難守。鳳凰樓。

上罷吹簫鸚鵡林下臨勸酒。同道書來一鴈飛。此時絳
怨下鳴機。裁鴛帖。夜被薰麝染春衣。屏風宛轉蓮花帳。
夜月聆臙翡翠帷。箇日新粧如復罷。祇應含笑待君歸。

靈泉頌

聞天文功幽贊靈心以有德是親至道冥符篤行以通
仁為本。若乃天經地義。色養叶於因心。夏清冬溫。愛敬
弘於錫類。下逮六幽之奧。上洞三光之精。不有至誠孰
云斯感。有廣平宋思禮。字過庭。皇朝永州刺史。昉之嫡
孫。戶部員外順之長子。幼丁偏罰。早喪慈親。永懷鞠養。

之恩長增思慕之痛。弱不好弄。長而能賢。趨庭聞詩禮
之風。永宗勛曾閔之行事。後母徐以至孝。聞北面興悲
泣高堂而咎已。東遊下位。歡微祿以逮親。調露二年來
佐百里。俯就微班之列。將申返哺之情。敬立身其若斯
於從政乎。何遠時歲亢旱。金石行銷。儼近川源。殆將堙
絕。濬井皆為湯谷。通波盡化汗池。太夫人在遲暮之年。
有溫勞之疾。非濫漿不可以適口。非源泉不可以蠲疴。
色養既虧。憂惶靡訴。俄而廳階之下。忽清泉而自生。因
疏導其源。遂流注不竭。味甘若醴。氣冷如冰。此邑城控

剡山地連禹穴。基址多石。崗阜無津。爰自興建已來。曾
微穿汲之利。非精誠貫於有道。純志決於無私。孰能洽
冥。既以通幽道。導靈泉。而致養者也。昔漢臣忠烈。窮并飛
於一言。姜婦孝思。潛波移於七里。靜惟陳迹。彼亦何人。
蕭縣尉柳晃。耿介之士也。道外則金蘭若膠漆。情異則
軒冕猶埃塵。片善可嘉。朝聞甘於夕死。一諾猶重黃金。
賤於白珪。以為執友。素交。豈祿利輕肥之謂也。賞音達
禮。非鍾鼓玉帛之云乎。所耻者歿而無稱。所貴者存乎
不朽。徒懷美志。未遇良材。某出贊荒隅。途經勝壤。三秋

客恨長懷。宋玉之悲。一面交歡。暫雪桓譚之涕。覩斯水
之清泚。感若人之精誠。見賢思齊。仰珪璋而有地。揮毫
興頌。樓琬琰之無慙。乃作頌曰

粵若稽古。厥初生民。其誰不孝。獨我難倫。義不存道。仁
不遺親。愛敬盡力。孝弟通神。

願我恩極。因心感至。冥契動天。甘泉湧地。泠泠無竭。蒸
蒸不匱。曾是我思。永錫爾類。

爰有芳人。景行芳塵。事諧則感。通洽斯親。孝為禮主。名
是實賓。儻斯文之不墜。知盛德之有鄰。

駱賓王文集卷第一

駱賓王文集卷第二

雜詩

遊德州贈高四

紫雲觀贈道士

贈宋五之問

浮查

在獄詠蟬

代郭氏荅盧照鄰

代贈道士季榮

夏日遊德州贈高四并序

夫在心為志。發言為詩。詩有不得盡言。言有不得盡意。僕少負不羈。長逾虛誕。讀書頗存涉獵。學劍不待窮工。進不能矯翰龍雲。退不能棲神豹霧。撫修諸已。深覺勞生。而太夫人在堂。義須捧檄。固仰長安而就日。赴帝鄉以望雲。雖史闈三冬。而書勞十上。嗟乎入門自媚。謂相謂言。致使名門隔於九重中。堂遠於千里。既而交非得忠。路是亡羊。幸堂敬上。弊廬竭來初服。遂得載披玉葉。歎洽金蘭。傾意氣於一言。締風期於千祀。雖交因氣合。

資得意以敦交。道契言忘。少寄言而筌道。是以輕投木李。以代踈麻。章句繁庶。心神媿慙。庶雅韻竚辱報章。則覲連星。開龍文於劍匣。素輝虧月。頻驪頷於珠胎。云尔。

日觀鄰金趙星臨。俯舊吳。隔津開巨寢。稽阜鎮名都。紫雲浮劍匣。青山孕寶符。封壇恢霸道。問鼎競雄圖。神光包四大。皇威震八區。風煙通地軸。星象正天樞。天樞限南北。地軸殊鄉國。闢門通舜賓。比屋封堯德。言謝垂鈞。隱來參負鼎。職天子不見。知群公詎相識。未展從東駿。

空戢圖南翼時命欲何言撫膺長歎息聞 將如何遊
人意氣多白雲梁山曲寒風易水歌泣魏傷吳起思趙
切廉頗淒斷韓王劔生死翟公羅羅 翟公意劔負韓
王氣驕餌去易論忌途良可畏夙昔懷江海平生混涇
渭千載契風雲一言忘賤貴去去訪林泉空谷有遺賢
言投爵里刺來泛野人舡締交君贈縞投分我忘筌成
風郢匠斲流水伯牙絃牙絃忘道術漳濱恣閑逸聊安
張蔚廬詎掃陳蕃室虛室狎招尋敬愛混浮沉一諾黃
金信三復白珪心霜松身雅節月桂朗冲襟靈臺萬頃

濬學府九流深談玄明跋壁拾紫陋籛金鷲濤開碧海
鳳彩綴詞林林虛星華映水澈霞光淨霞水兩分紅川
源四望通霧卷天山靜煙銷太史空鳥聲流向薄蝶影
亂芳叢柳陰佢繫水荷氣上薰風風月芳菲節物華紛
可悅將歡促席賞遽軼文歸別積水帶吳門通波連禹
穴贈言雖欲盡機心庶應絕潘岳本自閑梁鴻不因熱
一飄欣狎道三月聊棲拙棲拙隱金華狎道訪仙查放
曠愚公谷消散野人家一頃南山豆五色東陵瓜野衣
裁薛葉山酒酌藤花白雲離望遠青溪隱路賒僮憶幽

巖桂猶異折疎麻

於紫雲觀贈道士并序

余鄉國一辭江山萬里昔年離別還同塞北之鳧今日
歸來即似遼東之鶴先生情均得免忘筌之契已深路
是忘羊分岐之恨逾切不題短什何汰衷衿子碧落澄
秋景玄門啓曙關人疑列禦至客似令威還羽蓋徒欣
仰雲車未可攀只應傾玉醴時許寄顏顏

在江南贈宋五之問

井絡雙源濬湯侯九派長淪波通地穴委輸下歸塘別

鳥籠朝蜃連洲擁夕漲韞珠成積潤讓壁動浮光滂光
疑折水積潤踈圓沚玉輪涵地開劔匣連星起風煙標
迥秀英靈信多美懷德踐遺芳端操慙謀已謬觀光臺
迹強恹惶揆拙迷三雀勞生昧兩忘彈隨空歡笑
敵楚自多傷一朝殊默語千里暴炎涼炎涼幾遷賀川
陸疲臻湊積水架吳濤連山橫楚岫風月雖殊昔星河
猶是舊姑蘇望南浦邯鄲通北干北干平主親南浦別
離津瀟湘一起忽洞庭多苦辛秋江無綠芷寒汀有白
蘋采之將何遺故人漳水濱漳濱已遼遠江潭未旋返

為聽短歌行當想長洲苑露金薰芻岸風珮搖蘭坂蟬
鳴稻葉秋鴈起蘆花晚晚秋雲日明亭臯風霧清獨負
平生氣空牽搖落情占星非聚德夢月詎懸名寂寞傷
楚奏淒斷泣秦聲秦聲懷舊里楚奏悲無已郢路少叢
臺叢臺富奇士溫輝凌愛日壯氣驚寒水一顧重風雲
三冬足文史文史盛紛綸京洛多風塵猶輕五車富未
重一囊貧李仙非易託蘇鬼曲難因不惜勞歌盡誰為
聽陽春

浮查并序

遊日川上觀一浮查泛泛然若木偶之乘流迷不知其
所適也觀其根抵盤屈枝幹扶踈大則有棟梁舟楫之
材小則有輪轅榱桷之用非夫稟乾坤之秀氣含宇宙
之淳精孰能負凌雲槩日之姿抱積雪封霜之骨向使
懷材幽藪藏穎重崑絕望於崑廊之榮遺形於斤斧之
患固可垂蔭萬畝懸映九霄與建木較其長短將大椿
齊其年壽者而委根險岸託質畏途上為疾風衝颺所
摧殘下為奔浪迅波所激射基由壤括勢以地危豈盛
衰之理繫乎時封植之道存乎我一墜泉谷萬里飄淪

與波浮沉隨時逝止。雖殷仲文歎生意已盡，孔宣父知朽質難彫，然而遇良工逢仙客，牛礪可託，玉璜之路非選。匠石先談，方乘之器何遠。故材與不用時也。悲夫。然知萬物之相應感者，亦奚必同聲同氣而已哉。感而賦詩，貽諸同疾云尔。

昔負千尋質，高臨九仞峯。貞心凌晚桂，勁節掩寒松。忽值風飈折，坐爲波浪衝。摧殘空有恨，擁腫遂無庸。渤海三千里，泥沙幾万重。似舟飄不定，如梗泛何從。仙客終難託，良工豈易逢。徒懷萬乘器，誰爲一先容。

在獄詠蟬

余禁所禁垣西，是法廳事也。有古槐數株焉。雖生意可知，知同殷仲文之古樹，聽松斯在。即周邵伯之甘棠，每至夕照，伍陰秋蟬踈引，發聲幽息，有切嘗聞。豈人心異於曩時，將虫響悲前聽。嗟呼聲以動容，德以象賢。故絜其身也。稟君子達人之高行，蛻其皮也。有仙都羽化之靈姿。候時而來，順陰陽之數。應節爲變，審藏用之機。有目斯開，不以道昏而昧其視。有翼自薄，不以俗厚而易其真。吟喬樹之微風，韻資天縱。飲高秋之墜露，清畏人

知僕失路艱虞。遭時微纏。不哀傷而自怨。未搖落而先
褻。聞蟋蟀之聲。悞平反之已。奏見。蟾蜍之抱影。怯危
機之未安。感而綴詩。貽諸知己。庶情沁物。應哀弱羽之
飄零。道寄人知。憫餘聲之寂寞。非謂文墨。取代幽憂云
尔。

西陸蟬聲唱。南冠客思侵。那堪玄鬢影。來對白頭吟。露
重飛難進。風多響易沉。無人信高潔。誰為表予心。

艷情代郭氏答盧照鄰

迢迢芊路望芝田。眇眇函關恨蜀川。歸雲已落涪江外。

還鴈應過洛水纏。洛水滂迤帝城側。帝宅層甍垂鳳翼。
銅駝路上柳千條。金谷園中花幾色。柳葉園花處處新。
洛陽桃李應芳春。妾向雙流窺石鏡。君住三川守玉人。
此時離別那堪道。此日空牀對芳沼。芳沼徒遊比目魚。
幽徑還生拔心草。流風迴雪儻便好。驥子魚文實可憐。
擲果河陽君有分。貨酒成都妾亦然。莫言貧賤無人重。
莫言富貴應須種。綠珠猶得石崇怜。飛鷲曾經漢室寵。
良人何處醉縱橫。直如循默守空名。倒提新綠成慊慊。
一昨故劍作平平。離前吉夢成蘭兆。別後啼痕上竹生。

別日分明相約束。已取宜家成誠勗。當時擬弄掌中珠。
豈謂先摧庭際玉。悲鳴五里無人問。腸斷三聲誰為續。
思君欲坐望夫臺。端居懶聽將鷓曲。沉沉落日向山低。
蒼前歸燕並頭栖。抱愁當窓聽夕兔。側耳空房聽晚鷄。
舞蝶臨階祇自舞。啼鳥逢人亦助啼。獨坐傷孤枕。春來
悲更甚。峨眉山上月如眉。濯錦江中霞似錦。錦字迴文
欲贈君。劒壁層峰自亂紛。平江淼淼分青浦。長路悠悠
間白雲。也知京洛多佳麗。也知山岫遙虧蔽。無那短刺
即踈索。不在長情可悲契。傳聞織女對牽牛。相望重河

隔淺流。誰分迢迢經兩歲。誠能脉脉待三秋。情知唾井
終無理。情知覆水也難收。不復下山能借問。更向盧家
字莫愁。

代女道士王靈妃贈道士李榮

玄都五府風塵絕。碧海三山波浪深。桃實千年非易待。
桑田一變已難尋。別有仙居對三市。金闈銀宮相向起。
臺前鏡裏伴仙娥。樓上簫聲隨鳳史。鳳樓迢迢絕塵埃。
鷺時物色正徘徊。靈芝紫檢參差長。仙桂丹花重疊開。
雙童綽約時遊陟。三鳥聯翩報消息。盡言真侶出遨遊。

傳道風光無限極。輕花委砌，惹香殘。月窺窓。覘黃色。
箇時無數，併妖妍。箇裏無窮總。可憐別有衆中稱黠帝。
天上人間少流例。洛濱仙駕啓遙源。淮浦靈津符遠筮。
自言少小慕幽玄。只言容易得神仙。佩中邀勒經時序。
簫裏尋思復幾年。尋思許事真情變。二八容華識少選。
漫道燒丹止七飛。空轉化石曾三轉。寄語天上弄機人。
寄語河邊值查客。乍可恁恁共百年。誰使遙遙期七夕。
想知人意自相尋。果得襟心共一心。一心一意無窮已。
投漆投膠非足擬。只將羞澁當風流。持此相怜保終始。

相怜相念倍相親。一生一代一雙人。不投丹心比玄石。
惟將濁水况清塵。只言柱下留期信。好欲將心學松蘿。
不能京兆畫娥眉。翻向成都騁騶引。青牛紫氣度靈關。
尺素絕鱗去不還。連苔上砌無窮綠。修竹臨壇幾處斑。
箇时空牀難獨守。此日別離那可久。梅花如雪柳如絲。
年去年來不自持。初言別在寒偏在。何悞春來春更思。
春時物色無端緒。雙枕孤眠誰分許。分念嬌鶯一種啼。
生憎燕子千般語。朝雲旭日照青樓。暉麗色滿皇州。
落花泛泛浮靈沼。垂柳長長拂御溝。御溝大道多奇賞。

侯客妖容遞來往。挑騎車花鐵作錢。香輪驚水珠爲網。
香輪寶騎競繁華。可怜今夜宿倡家。鸚鵡杯中浮竹葉。
鳳凰琴裏落梅花。許輩多情偏送款。爲問春花幾時滿。
千回鳥信說衆諸。百過鸞啼說長短。長短衆諸判不尋。
千回百過浪開心。何曾舉意西鄰玉。未肯留情南陌金。
南陌西鄰成自保。還纒歸期湏及早。爲想三春狎斜路。
莫辭九折叩開道。假令白里似長安。使青牛學劒端。
蘋風入馭來應易。竹杖成龍去不難。龍駃去去無消息。
鸞鏡朝朝減容色。君心不記下山人。妾欲空期上林翼。

上

林二月三日

未歸不分淹留乘路待

祇應直取

卷之三

駱賓王文集卷第三

雜詩

春霽早行

秋日山行

晚渡天山

晚泊河曲

晚泊蒲類

晚渡黃河

早發淮口

渡瓜步泝

遠使海曲

晚泊江鎮

早發諸暨

途中有懷

晚憩田家

宿山庄

出石門

至分陝

至汾水戍

過張平子墓

北眺春陵

望鄉夕泛

又客臨海

遊允部逢孔君

西京守歲

海曲書情

軍中行路難

邊城落日

蓬萊鎮

在軍登城樓

宿溫城望軍營

白雲抱幽石

秋日臥病

題七級

春雲處處生

早秋出塞

鄭安陽入蜀

春霽早行

年華開早律，霽色蕩芳晨。
 城闕千門曉，山河四望春。
 御溝通太液，戚里對平津。
 寶瑟調中婦，金壘引上賓。
 劇談推曼倩，驚坐揖陳遵。
 意氣一言合，風期萬里親。
 自惟安直道，守拙忌因人。
 談器非先木，圖榮異後薪。
 椰榆慙路鬼，憔悴切波臣。
 玄草終疲漢，烏裘幾滯秦。
 生涯無歲月，歧路有風塵。
 還嗟太行道，處處白頭新。

秋日山行簡梁大官

來馬陟層阜。迴首睇山川。攢峯銜宿霧。疊嶽架寒煙。百
重含翠色。一道落飛泉。香吹分巖桂。鮮雲抱石蓮。地偏
心易遠。致默體逾玄。得性靈遊刃。忘言已棄筌。彈冠勞
巧拙。結綬倦牽纏。不如從四皓。丘中鳴一絃。

晚度天山有懷京邑

忽上天山路。依然想物華。雲疑上苑葉。雪似御溝花。行
嘆戎麾遠。坐令衣帶賒。交河浮絕塞。弱水浸流沙。旅思
徒漂梗。歸期未及瓜。寧知心斷絕。夜夜泣胡笳。

晚泊河曲

三秋倦行役。千里泛歸潮。通波竹箭水。輕舸木蘭桡。金
隄連曲岸。貝闕影浮橋。水淨千年近。星飛五老遙。疊花
開宿浪。浮葉下涼飈。浦荷疎晚的。津柳漬寒條。恹惶勞
梗泛。淒斷倦蓬飄。仙查不可託。河上獨長謠。

晚泊蒲類

二庭歸望斷。萬里客心愁。山路猶南屬。河源自北流。曉
風連朔氣。新月照邊秋。竈火通軍壁。烽煙上戍樓。龍庭
但苦戰。鷲鴿會封侯。莫作蘭山下。空令漢國羞。

晚渡黃河

千里尋歸路。一葦亂平源。通波連馬頰。迸水急龍門。照日榮光渾。驚風瑞浪翻。棹唱臨風斷。樵謳入聽喧。岸迴秋霞落。潭深夕霧繁。誰堪逝川上。日暮他鄉魂。

早發淮口望盱眙

養蒙分四瀆。習坎奠三荆。徒帝留餘地。封王表舊城。岸昏涵蜃氣。潮滿應鷄聲。洲迥連沙靜。川虛積溜明。一朝從捧檄。千里倦懸旌。背流桐柏遠。逗浦木蘭輕。小山迷隱路。大塊切勞生。唯有負心在。獨映寒潭清。

渡瓜步洲

捧檄辭幽徑。鳴榔下貴洲。驚濤疑躍馬。積氣似連牛。月迥黃沙淨。風急夜江秋。不學浮雲影。他鄉空滯流。

遠使海曲春夜多懷

長嘯三秋晚。端居百慮盈。未安蝴蝶夢。遽切魯禽情。別島連寰海。離魂斷戍城。流星疑伴使。行月似依營。懷祿寧期遠。牽時匡徇名。難虞行已遠。時迹自相驚。

晚泊江鎮

四運移陰律。三翼泛陽侯。荷香銷晚夏。菊氣入新秋。夜

烏喧粉蝶。宿鴈下蘆洲。海霧籠邊徼。江風繞戍樓。轉蓬驚別渚。逃名謝蟻丘。還嗟帝鄉遠。空望白雲浮。

早發諸暨

征夫懷遠路。夙駕上危巒。薄煙橫絕巘。輕凍澁迴湍。野霧連空暗。山風入曙寒。帝城臨霸淡。禹穴枕江干。摘性行應化。蓬心去不安。獨掩窮途淚。長歌行路難。

途中有懷

嗟然懷楚奏。悵矣背秦關。涸鱗驚照轍。墜羽怯虛彎。素服三川化。烏裘十上還。莫言無皓齒。時俗薄朱顏。

晚憇田家

轉蓬勞遠役。披薜下田家。山影類九折。江勢急三巴。懸梁接斷岸。澁路擁崩查。霧巖淪曉魄。風溼漲寒沙。心迹一朝舛。關山萬里賒。龍章徒表越。閩俗本非華。旅行悲泛梗。離贈斷踈麻。唯有寒潭菊。獨似故園花。

宿山庄

金陵一超忽。玉燭幾還周。露積吳臺草。風入郢門楸。林虛宿斷霧。磴險挂懸流。拾青非漢策。緇化類秦裘。牽迹猶多蹇。勞生未寡尤。獨此他鄉夢。空山明月秋。

出石門

層巖遠接天。絕嶺上棲煙。松徑輕蓋偃。藤細弱鈎懸。石
明如挂鏡。苔分似別錢。暫策爲龍仗。何處得神仙。

至分陝

陝西開勝壤。邵南分沃疇。列樹巢維鵠。平渚下睢鳩。憇
棠疑忽剪。曳葛似攀繆。至今王化美。非獨在隆周。

至汾水戍

行役忽離憂。復此愴分流。濺石迴湍咽。繁叢曲澗幽。陰
崖常結晦。宿莽競含秋。况乃霜晨早。寒風入戍樓。

過張平子墓

西鄂該通理。南 擅德音。玉卮浮藻麗。銅渾積思深。忽
懷今日昔。非復昔時今。日往豐碑閣。風來古木吟。唯歎
窮泉下。終鬱羨魚心。

北眺春陵

憩轡疲宵邁。驅馬倦晨興。既出封泥谷。還過避雨陵。山
明行照上。谿宿密雲蒸。登高徒欲賦。詞殫獨撫膺。

望鄉夕泛

歸懷到不安。促榜犯風瀾。落宿含樓近。浮月帶江寒。喜

遂行前志。憂從望裏寬。今夜南枝鵲。應無繞樹難。

久客臨海有懷

天涯昨日觀。地岳望星樓。練光搖亂馬。劍氣上連牛。草濕姑蘇夕。葉下洞庭秋。欲知悽斷意。江上步安流。

遊兗部逢孔君自衛來欣然相遇若舊

遊人自衛返。客背隔淮來。傾蓋金蘭合。忘筌玉葉開。繁
花明日柳。踈葉落風梅。將期重交態。時慰不然灰。

西京守歲

閑居寡言晏。獨坐慘風塵。忽見嚴冬盡。方知列宿

已去。去年九月。始見新。照映他鄉夕。無由展舊親。

西京書精

西京在千里。勢生只百年。未能查上漢。詐肯劍遊燕。白
雲暮春海。青山想曙天。江。兩壁渭水擲。三錢坐借
馬。走履長歌獨。魂然。

行軍軍中行路難

君不身。到孤推。越自。群。憑。深。負。固。結。妖。氛。玉。璽。分。兵
微。志。小。金。壇。授。律。動。將。軍。將。軍。禱。死。宣。廟。略。戰。士。橫。戈
靜。馬。落。長。驅。一。息。背。銅。梁。直。指。三。危。登。劍。閣。閣。道。迢。迢

起戍樓。劍門遙。商嶺靈丘。卽開九折無平路。江水雙源
有急流。征役無期返。他鄉歲月晚。青青丘陵出。蒼蒼林
薄遠。途危紫蓋峯。路冰青泥坂。去去指哀牢。行行入不
手。絕壁千里險。連山四望高。中外分區宇。夷夏殊風土。
交趾枕南荒。昆彌臨北戶。川源饒毒霧。谿谷多淫雨。行
潦四時流。崩崖千歲古。漂梗飛蓬不暫安。捫藤引葛陔
危巖。昔時聞道從軍樂。今日方知行路難。滄江綠水東
飛駛。炎州丹徼南。中地南申南斗。映星河。秦關秦塞阻
煙波。三春邊地風光少。五月瀘中瘴癘多。朝驅疲片候。

夕息。月夜繁弱。連星轉大門。重義輕生懷一
願。東征西伐凡幾度。夜夜朝朝斑鬢新。年年歲歲戎衣
故。灞城隅。滇池水。天涯望轉績。地除際行無已。徒覺炎
涼節物非。不知關山千萬里。棄置勿重陳。征行多苦辛。
且悅清笳梅柳曲。詎憶芳園桃李人。絳節紅旗分日羽。
丹心白刃酬明主。但令一被君王知。誰憚三邊征戰苦。
行路幾千端。無復歸雲憑短翰。空餘望日想長安。

邊城落日

紫塞流沙北。黃圖灞水東。一朝辭俎豆。萬里逐沙蓬。候

月恒持滿，尋源屢鑿空。野昏邊氣合，峯迴戍煙通。奮力
風塵倦，疆場歲月窮。河流控積石，山路遠崆峒。壯志凌
蒼兕，精誠貫白虹。君恩如可報，龍劍有雌雄。

蓬萊鎮

旅客春心斷，邊城夜望高。野樓凝海氣，白鷺似江濤。結
綬疲三入，承冠泣二毛。將飛怜弱羽，欲濟乏輕舸。賴有
陽春曲，窮愁且代勞。

在軍登城樓

城上風威冷，江中水氣寒。戎衣何日定，歌舞入長安。

宿溫城望軍營

虜地寒膠折，邊城夜柝聞。兵符關帝闕，天策動將軍。戎
靜胡笳徹，沙明楚練分。風旗翻翼影，霜劍轉龍文。白羽
搖如月，青山斷若雲。煙踈疑卷被，塵滅似銷氛。投筆懷
班業，臨戎想石勳。還應雪漢耻，持此報明君。

白雲抱幽石

重巖抱危石，幽澗曳輕雲。繞鎮仙衣動，飄蓬羽蓋分。錦
色連花靜，苔光帶葉薰。詎知吳會影，長抱穀城文。

和孫長史秋日臥病

霍地踈天府。潘園近帝臺。調絃三婦至。置驛五侯來。尚
想歡娛洽。吁嗟歲月催。金壇分上將。玉帳引瓌材。決勝
鯨波靜。騰謀鳥谷開。白雲淮水外。紫陌灞陵隈。節變驚
衰柳。笳繁思落梅。調神和玉燭。挾藻握珠胎。愜矣欣懷
土。居然欲死灰。還因承雅曲。暫喜躍沉鯨。

四月八日題七級

化城分鳥蝶。香閣俯龍川。複棟侵黃道。重簷架紫煙。銘
書非晉代。壁畫是梁年。霸略今何在。王宮尚歸然。二帝
曾遊聖。三鄉是偶賢。昔茲遊勝侶。超彼託良緣。我出有

為界。君登非想天。悠悠青曠裏。蕩蕩白雲前。今日經行
處。曲音號蓋煙。

春雲處處生

千里年光靜。四望春雲生。繫日祥光舉。踈雲瑞葉輕。蓋
陰籠迥樹。陣影抱危城。非將吳會遠。飄蕩帝鄉情。

早秋出塞寄東臺詳政學士

促駕逾三水。長驅望五原。天街分斗極。地理接樓煩。溪
月明開隴。胡雲聚塞垣。山川殊物候。風壤異涼溫。戍古
秋塵冷。沙寒宿霧繁。昔余迷學業。教迹忝詞源。

蘭延閣蓬山款禁園。影纓陪綬。先載筆。偶瑛璫。
汲塚寧詳。蠹秦牢詎辨寃。一朝從篚服。千里駕輕軒。鄉
夢隨魂斷。邊聲入聽喧。南園終歛翮。北上遽摧轅。弔影
慙連茹。浮生倦觸藩。數竒何以託。桃李自無言。

鄭安陽入蜀

彭山新坂外。井絡少城隈。地是三巴俗。人非百里才。長
途君悵望。別路我徘徊。心賞風煙隔。容華歲月催。遙遙
分鳳野。去去轉龍媒。道錦非前邑。鳴琴即舊臺。劔門千
仞起。石路五丁開。海客乘查渡。仙童竹馭迴。魂將離鶴

遠思逐斷猿。哀。唯有雙鳧。飛去復飛來。

駱賓王文集卷第三

駱賓王文集卷第四

雜詩

贈先還知己

酬思玄上人林泉

夏日夜憶張二

和李明府

望月有所思

對雪憶謝二

送陳文林

送鄭少府入遼

送費六還蜀

秋日別侯四

送尹大赴京

秋夜送闞五

送吳七遊蜀

送王明府

秋日送別

於易水送人

別詳正學士

別李嶠得勝

在兗州餞宋五

春晚從李長史

遊靈公觀

夏日遊山家

春日遊陀山寺

冬日野望

夏日遊目聊作

晚初登樓思京

登司馬樓宴

初於六宅宴

常明府宅宴

冬日宴

餞鷓鴣子

詠雲酒

詠美人

夕次舊吳

在軍中贈先還知己

蓬轉俱行役。瓜時獨未還。魂迷金闕路。望斷玉門關。獻
凱多慙霍。論封幾謝班。風塵催白首。歲月損紅顏。落鴈
低秋塞。驚鳥起暝巒。胡霜如劒鏑。漢月似刀環。別後邊
庭樹。相思幾度攀。

同辛簿簡仰酬思玄上人林泉四首

聞君招隱地。髣髴武陵春。緝芟知遠楚。披蓊似避秦。崩
查年祀積。幽草歲時新。一謝滄浪水。安知有逸人。

芳晨臨上月。幽賞狎中園。有蝶堪成夢。無羊可觸藩。志
懷南澗藻。蠲思北堂萱。坐歎華滋歇。思君誰為言。
林泉恣歷貪。風景慙徘徊。客有遷鶩處。人無結駟來。聚
花如薄雪。沸水若輕雷。今日徒招隱。終知異鑿杯。
俗遠風塵隔。春還初服遲。林疑中散地。人似上皇時。芳
社湘君曲。幽蘭楚客詞。山中有春草。長似寄相思。

夏日夜憶張二

伏枕憂思深。擁膝獨長吟。烹鯉無尺素。筌魚勞寸心。踈
麻空有所。芳桂湛無斟。廣庭含夕氣。閑宇澹虛陰。織蟲
垂夜砌。驚鳥棲暝林。驩娛百年促。羈病一生侵。詎堪孤
月夜。流水入鳴琴。

和李明府

傳聞業縣履。飛向洛陽城。馳道臨層掖。津門對小平。霞
殘疑製錦。雲度似飄纓。藻揆潘江澈。塵虛范甑清。詎怜
衝斗氣。猶向匣中鳴。

望月有所思

九秋涼風肅。千里月華開。圓光隨露湛。碎影逐波來。似
霜明玉砌。如鏡寫珠胎。曉色依關近。邊聲雜吹哀。離居

分照耀。怨緒共徘徊。自繞南飛羽。空忝北堂才。

寓居洛濱對雪憶謝二

旅思眇難裁。衝飈限易哀。曠望洛川晚。飄飄瑞雪來。積
彩明書帳。流韻繞琴臺。色奪迎仙羽。花避犯靈梅。謝庭
賞方逸。袁扉掩未開。高人儻有訪。興盡詎須迴。

秋日送陳文林陸道士

青牛遊華岳。赤馬走吳宮。玉桂離鴻怨。金壘浮蟻空。日
霽靖陵雨。塵起陟陽風。唯當玄度月。十里與君同。

送鄭少府入遼

邊烽敬檄塞。俠客度桑乾。柳葉開銀鑄。桃花照玉鞍。滿
目臨弓影。連星入劍端。不學燕丹客。空歌易水寒。

送費六還蜀

星樓望蜀道。月破指吳門。萬行流別淚。九折切驚魂。雪
影含花落。雲陰帶葉昏。還當三徑晚。獨對一清尊。

秋日送侯四

我留安豹隱。君去學鵬搏。岐路分襟易。風雲促膝難。夕
漲流波急。秋山落日寒。惟有思歸引。悽斷為君彈。

秋日送尹大赴京

挂瓢余隱舜。負鼎爾干湯。竹葉離樽滿。桃花別路長。低
河耿秋色。落月抱寒光。素書如可嗣。幽谷竚賓行。

秋夜送閻五

通庄抵舊里。溝水泣新知。斷雲飄易滯。連露積難披。儂
風啼迴蝶。驚月繞踈枝。無力勵短翰。輕舉送長離。

送吳七遊蜀

日觀分齊壤。星橋抵蜀門。桃花嘶別路。竹葉濕離樽。夏
盡蘭猶茂。秋深柳尚繁。霧銷山望迥。風高野聽宣。勞歌
徒欲奏。贈別竟無言。唯有當秋月。空照野人園。

送王明府上書

浪衣遊紫府。飛蓋背青田。虛心恒警露。孤影尚凌煙。離
歌悽妙曲。別引統繁絃。在陰如可和。清響會聞天。

秋日送別

寂寥心事晚。搖落歲時秋。共此傷年髮。相看惜去留。當
歌應破涕。哀命返窮愁。別後能相憶。東陵有故侯。

於易水送人一絕

此地別燕丹。壯髮上衝冠。昔時人已沒。今日水猶寒。

西行別東臺詳正學士

意氣坐相親。關河別故人。客似秦川上。歌從易水濱。塞
荒行辨玉。臺遠尚名綸。洩井懷邊將。尋源重漢臣。上苑
梅花早。御溝揚柳新。只應持此曲。別作邊城春。

別李嶠得勝字

芳樽徒自滿。別恨轉難勝。客似遊江岸。人疑上灞陵。寒
更承夜永。涼景向秋澄。離心何以贈。自有玉壺冰。

在兗州餞宋五

淮尾泗水地。梁甫汶陽東。別路青驪遠。離樽綠蟻空。柳
寒凋客翠。棠晚落疎紅。別後相思曲。悽斷入琴風。

春晚從李長史遊開道林故山

幽尋極幽壑。春望陟春臺。雲光棲斷樹。靈影入仙杯。古
藤依格上。野徑約山隈。落葉翻風去。流鶯滿樹來。興闌
荀御動。歸路起浮埃。

遊靈公觀

靈峯標勝境。神府枕通川。玉殿斜臨漢。金堂迥架煙。斷
風疎晚竹。流水切寒弦。別有青門外。空懷玄圃仙。

夏日遊山家同夏少府

返照下層岑。物外狎招尋。蘭徑薰幽佩。槐庭落暗金。谷

靜風聲徹。山空月色深。一遣樊籠累。唯余松桂心。

和王記室從趙王春日遊陀山寺

鳥嶼陪訪道。鷲嶺治棲真。四禪明靜業。三空廣勝因。祥
河踈疊澗。惠日皎重輪。葉暗龍宮密。花明鹿苑春。彫談
全與旨。妙辨漱玄津。雅曲終難和。徒自奏巴人。

冬日野望

故人無與晤。安步步陟椒。野靜連雲卷。川明斷霧銷。靈
巖聞曉籟。洞浦漲秋潮。三江歸望斷。千里故鄉遙。勞歌
徒用歎。客魂誰為招。

夏日遊目騁作

暫屏器塵累。言尋物外情。致逸心逾默。神幽體自輕。浦
夏荷香滿。田秋麥氣清。詎假滄浪上。將濯楚臣纓。

同崔駙馬曉初登樓思京

麗譙通四望。繁憂起萬端。綺疎低晚魄。鏤檻肅初寒。白
雲鄉思遠。黃圖歸路難。唯餘西向笑。暫似當長安。

初秋登司馬樓宴

展驥端居暇。登龍嘉宴同。締賞三清滿。承懽六義通。野
晦寒陰積。潭虛夕照空。碩慙非夢鳥。濫此廁彫蟲。

初於六宅宴

千里風雲契。一朝心賞同。意盡深交冷。神靈俗累空。章
帶銷寒翠。花枝發夜紅。唯將淡若水。長揖古人風。

春夜常明府宅宴

酌桂陶芳夜。披薜嘯幽人。雅琴馴魯雉。清歌落范塵。宿
雲低迥蓋。殘月上虛輪。幸此承恩洽。聊當故鄉人。

冬日宴

二三物外友。一百杖頭錢。賞洽袁公地。情披樂令天。促
膝鸞觴滿。當爐獸炭然。何須攀桂樹。逢此自留連。

餽鷄子

幸遇清明節。欣逢舊練人。刻花爭臉態。寫月競眉新。暈
罷空餘月。詩成併道春。誰知懷玉者。含嚮未吟晨。

詠雲酒

朔空曾紀曆。帶地舊疏泉。色泛臨碭瑞。香流赴蜀仙。欵
交欣散玉。怡友悅沉錢。無復中山賞。空吟吳會篇。

詠美人在天津橋

美女出東隣。容與在天津。動衣香滿路。移步襪生塵。水
下看粧影。眉頭畫月新。寄言曹子建。箇是洛川神。

夕次舊吳

維舟皆楚服。振策下吳畿。盛德弘三讓。雄圖枕九圍。黃
池通霸業。赤壁暢戎威。文物俄遷謝。英靈有盛衰。行歎
鴟夷沒。遽惜湛盧飛。地古煙塵暗。年深館宇稀。山川四
望是。人事一朝非。懸劍空留信。亡珠尚識機。鄭風遙可
託。關月眇難依。西北雲逾滯。東南氣轉微。徒懷伯通隱。
多謝買臣歸。唯有荒臺路。薄暮濕征衣。

過故宋

舊國千年盡。荒城四望通。雲浮非隱帝。日沒不類遊。臺綺

琴朝化冷。祥石夜輪空。馬去遙奔鄭。蛇分近帶豐。池文
歛束水。竹影漏寒叢。園兔承行月。川。避斷風。故宋誠
難定。從梁事未工。唯當過周客。獨愧吳臺空。

駱賓王文集卷第四

駱賓王文集卷第五

雜詩

傷祝阿王明府

詠懷古意

詠懷

邊夜有懷

久戍邊城

幽繫書情

寒夜獨坐

憲臺出繫寒夜有懷

月夜有懷

叙寄負半千

憶蜀地佳人

送郭少府

餞駱四

送五之問

過任處士書齋

塵灰

秋晨

秋雲

秋蟬

秋露

秋月

秋水

秋螢

秋菊

秋鴈

詠照

挑燈杖

詠水

詠鴈

詠雪

詠塵

掉歌行

王昭君

翫初月

詠鵝

傷祝阿王明府并序

夫心之悲矣。非關春秋之氣。聲之哀也。豈移金石之音。何則。事感則萬緒興。端情應則百憂交。軫是以宣尼舊館。流襟動激。楚之悲。孟嘗高臺。承睫下聞琴之淚。祝阿王明府。毓德丹穴。龍衣吉黃裳。靈基峙金闕之峯。層源瀨玉輪之坂。既而鴻飛漸陸。將騁平與之龍。鶴鳴在陰。爰絳朝歌之驥。乃當名縣。闕月德貫陳星。豈徒遽切夢瓊。

寶五
二
掩沉連石。嗟乎輪銷桂魄。驪珠毀貝。聞之前斗。散紫氛。
龍劍沒延平之水。某昔承嘉惠。曲荷恩光。留連嘯歌。從
容風月。撫心陳迹。泣血連汝。然而始終者。萬物之大歸。
生死者百年之常分。雖則知理之可有。而未曉情之可
無。聊綴悲歌。敢貽同好。諸君或締交三益。列宰一同。或
叶契筌蹄。投心膠漆。如比肩於千里。遽傷魂於九原。既
切芝焚。彌深蕙歎。蓋言四始同賦。七哀庶蘭。室流薰。襲
遺芳而化德。故蓬心深拙。效膺音於起予。觸目多懷。周
增流動

洛川真氣上重泉。惠政融含章。光後列繼武。嗣前雄契。
與良難驗。生涯忽易窮。翔鳧猶在履。狎雉尚馴童。錢滿
荒階。綠塵浮虛帳。紅夏餘將宿草。秋近未驚蓬。烟晦泉
門夕。日遠夜臺空。誰堪孤隴外。獨聽白揚風。

詠懷古意上裴侍郎

三十二餘罷鬢。是潘安仁四十九。仍入年非朱買臣。縱
橫愁繫越坎壈。倦遊秦出籠窮短。翮委轍涸拈鱗。
不需用。彈缺欲誰申。天子未駟策。歲月幾沉淪。輕生長
慷慨。效死獨慙慙。徒歎易水客。空老渭川人。一得視邊

寒萬里可苦辛。劍匣胡霜影。弓開漢月輪。金方動秋色。
鐵騎相風塵。為國堅誠款。捐軀志賤貧。勤功思比憲。失
略暗欺陳。若不犯霜雪。虛擲玉京春。

詠懷

少年識事淺。不知交道難。一言芬若桂。四海臭如蘭。寶
劍思存楚。金鉞許報韓。虛心徒有託。循迹諒無端。太息
關山險。于嗟歲月闌。忘機殊會俗。守拙異懷安。阮籍空
長嘯。劉琨獨未懽。十步庭芳歛。三秋隴月團。槐疎非盡
意。松晚夜凌寒。悲調絃中急。窮愁醉裏寬。莫將流水引。

空向俗人彈。

邊夜有懷

漢地行逾遠。燕山去不窮。城荒猶築怨。碣毀尚銘功。古
戍煙塵滿。邊庭人事空。夜關明隴月。秋塞急胡風。倚伏
良難定。榮枯豈易通。旅魂勞泛梗。離恨斷征蓬。蘇武封
猶薄。崔駟官不工。惟餘北叟意。欲寄南飛鴻。

又戍邊城有懷京邑

擾擾風塵地。遑遑名利途。盈虛一易舛。心迹兩難俱。弱
齡小山志。寧期大丈夫。孔微光賁玉。千仞忽彈珠。棘寺

游三禮蓬山。造八儒懷。鉉慙後進。投筆碩前。馳北走非。
通趙西之。似化胡錦車朝。促候刁斗。夜傳呼。戰士青絲。
絡將軍黃石符。連星入寶劍。半月上彫弧。拜井開踈勒。
鳴桴動密須。戎機習短蔗。祆褱靜長榆。季月炎初盡。邊
亭草早枯。層陰籠古木。窮色變寒蕪。海鶴聲嘹唳。城烏
尾畢逋。葭繁秋引色。桂滿夕輪孤。行役風霜久。鄉西夢
想孤。灞池遙夏國。秦海望陽紆。沙塞三千里。京城十二
衢。楊溝連鳳閣。槐路擬鴻都。壁殿規宸象。金隄法斗樞。
雲浮西北蓋。月照東南隅。寶帳垂連理。銀床轉鹿盧。廣

筵留上客。豐饌引中厨。漏緩金徒箭。嬌繁玉如壺。秋清
飛喻馬。春水泛仙艫。意氣風雲合。言忘道術趨。共矜名
已泰。詎肯沫相濡。有志慙彫朽。無庸類散樗。開山斬超
忽。形倦歎艱虞。結網空知羨。圖榮豈自誣。忘情同塞馬。
比德類宛駒。隴阪肝腸絕。陽關亭隴迂。迷蒐驚落鴈。離
恨斷飛鳧。春去容華盡。年來歲月無。邊愁傷郢調。鄉思
繞吳歆。河氣通中國。山途限外區。相思若可寄。冰泮有
街蘆。

幽繫書情通簡知已

昔歲逢陽曆。觀光賁楚材。穴疑丹鳳起。場似白駒來。一
命淪驕餌。三緘慎禍胎。不言勞倚伏。忽此邁遭迴。駉馬
刑章峻。蒼鷹獄吏猜。爭嫌非易辨。疑壁果難裁。祿拙慙
周。端憂滯夏臺。生涯一滅裂。岐路幾徘徊。青陸芳春
動。黃沙旅思催。圓扉長寂寂。踈網尚恢恢。入窾先搖尾。
迷津正曝顛。覆盆徒望日。蟄戶未驚雷。霜歇蘭猶敗。風
多木屢摧。地幽蚕室閉。門靜雀羅開。自憫秦寃痛。誰怜
楚奏哀。漢陽窮鳥客。梁甫臥龍才。有氣還衝斗。無時會
鑿坏。莫言韓長作。不然灰。

寒夜獨坐遊子多懷簡知己

故鄉眇千里。離憂積萬端。鷓鴣服長悲。碎。蝸廬未卜安。富
鈎徒有想。貧缺爲誰彈。抑秋風葉脆。荷晚露文團。晚金
薰岸菊。餘佩下幽蘭。伐木傷心易。維乘歸去難。獨有孤
明月。時照客庭寒。

憲臺出繫寒夜有懷

獨坐懷明發。長謠苦未安。自應迷北叟。誰肯問南冠。生
死交情異。殷憂歲序闌。空餘朝夕鳥。相伴夜啼寒。
月夜有懷簡諸同疾

閒庭落景盡。踈簾夜月通。山靈響似應。水淨望如空。棲
枝猶繞鵲。遵渚未來鴻。可歎高樓婦。悲思杳難終。

叙寄負半千

薄宦三河道。自負十餘年。不應驚若厲。祇爲直如弦。坐
歷山川險。吁嗟陵谷遷。長吟空抱膝。短翮詎冲天。鬼歸
滄海上。望斷白雲前。釣名勞拾紫。隱迹自談玄。不學多
能聖。徒思鴻寶仙。斯志良難已。此道豈徒然。嗟爲刀筆
吏。耻從繩墨牽。岐路情雖狎。人倫地本偏。長揖謝時事。
獨往訪林泉。寄言二三子。生死不來旋。

憶蜀地佳人

東西吳蜀關。山遠魚來鴈。去兩難聞。莫恠常有千行淚。
只爲陽臺一片雲。

送郭少府探得憂字

開筵抗德水。輟棹艤仙舟。貝闥桃花浪。龍門竹箭流。當
歌悽別曲。對酒泣離憂。還望青門外。空見白雲浮。

餞駱四得鍾字

平生何以樂。斗酒夜相逢。曲中驚別緒。醉裏失愁容。星
月懸秋漢。風香入曙鍾。明月臨溝水。青山幾萬重。甲矛

驅車入良宵。東燭遊人追竹林。會酒獻菊花。秋霜吹飄。無已。星河漫不流。重嗟歡賞地。翻召別離憂。

宋五之問得涼字

願言遊泗水。支離去二漳。道術君所篤。筌蹄余自忘。雪威侵竹冷。秋爽帶池涼。欲驗離襟切。岐路在他鄉。

冬日過故人任處士書齋

神交尚投漆。虛室罷遊蘭。網積窓文亂。苔深履迹殘。雪明書帳冷。水靜墨池寒。獨此琴臺上。流水為誰彈。

塵灰

疑作秋風

洛川流雅韻。秦道擅苛威。聽歌梁上動。應律管中飛。光飄神女襪。影落羽人衣。願言心未翳。終冀效輕微。

秋晨同淄州毛司馬秋九詠

紫陌炎氣歇。青蘋晚吹浮。亂竹搖疎影。繁池織細流。飄香曳舞袖。帶泛粧樓不分君恩絕。紈扇曲中秋。

秋雲

南陸銅渾改。西郊玉葉輕。泛搖光動臨。瑞色明蓋陰。連鳳闈。陣影翼龍城。誰知時不遇。空傷獨滯情。

秋蟬

九秋行已暮。一枝聊暫安。隱榆非諫楚。噪柳異悲潘。分
形粧薄鬢。鏤影飾危冠。自憐踈影斷。寒林夕吹寒。

秋露

玉關寒氣早。金塘秋氣歸。泛掌光逾靜。添荷滴尚微。變
霜凝曉液。承月委圓輝。別有吳臺上。應濕楚臣衣。

秋月

雲披玉繩淨。月滿鏡輪圓。裊露珠暉冷。凌霜桂影寒。漏
彩令踈薄。浮光漾急瀾。西南徒自賞。南飛終未安。

秋水

貝闕寒流徹。玉輪秋浪清。圖雲錦色淨。寫月練花明。泛
曲鷗絃動。隨軒鳳轄驚。唯當御溝上。悽斷送歸情。

秋螢

玉虬分靜夜。金螢照晚涼。含輝凝泛月。帶火怯凌霜。散
彩縈虛牖。飄花繞洞房。下帷如不倦。當解借餘光。

秋菊

擢秀三秋晚。開芳十步中。分黃俱笑日。含翠共搖風。碎
影含流動。浮香隔岸通。金翹徒可泛。日筭竟誰同。

秋鴈

聯翩辭海曲。遙曳指江干。陣去金河冷。書歸玉塞寒。帶
月凌空易。迷煙逗浦難。何當同願影。刷羽泛清瀾。

詠照

寫月無芳桂。照月有花菱。不持光謝水。翻將影學冰。

挑燈杖

稟質非貪熱。焦心豈憚熬。終知不自潤。何處用脂膏。

詠水

列名通地紀。踈派合天津。波隨月色淨。態逐桃花春。照
霞如隱石。映柳若沉鱗。終當挹上善。屬意淡交人。

詠鴈

唼藻蒼梧遠。銜蘆紫塞長。霧深迷晚景。風急斷秋行。陣
照通霄月。書封幾夜霜。無復能鳴分。空知愧稻梁。

詠雪

龍雲玉葉上。鶴雪瑞花新。影亂銅烏吸。光銷玉馬津。含
輝明素篆。隱迹表祥輪。幽蘭不可儼。徒自繞陽春。

詠塵

凌波起羅襪。含風染素衣。別有知音調。聞歌應自飛。

掉歌行

寫月圖黃罷。凌波拾翠通。鏡花搖芰日。衣麝入荷風。葉
露舟難蕩。蓮疎浦易空。鳳媒羞自託。鴛翼恨難窮。秋帳
燈光翠。倡樓粉色紅。相思無別曲。併在掉歌中。

王昭君

劍客辭豹尾。緘怨度龍鱗。金鈿明漢月。玉筋染胡塵。古
鏡菱花暗。愁眉柳葉頻。唯有清笳曲。時聞芳樹春。

翫初月

忌滿光怕缺。乘昏影暫流。自能明似鏡。何用曲如鉤。

詠鵝雜言時年七歲

鵝鵝曲項向天歌。白毛浮綠水。紅掌撥青波。

駱賓王文集卷第五